

ՔԱՂԱՔԱԿԱՆ ՏԵՍՈՒԹԻՒՆ

Այս վերնագրով ամեն ամիս «Մուրճ»-ը տալու է հաշիւ նախ-ընթաց ամիսներում պատահած բուն քաղաքական անցքերի. և որովհետեւ քաղաքական ծանրակշիռ խնդիրները դարերից ի վեր լուծուում են ներուպայում, ուստի քաղաքական տեսութեան նիւթը գլխաւորապէս պիտի առնւի եւրոպական առաջնակարգ պետութիւն-ների քաղաքական կեանքից: Իսկ ինչ վերաբերում է օտար ազգերի տնտեսական, հասարակական, զրական և արտիստական կեանքին, այդ բոլորը պիտի կազմի նիւթ մեր ամսագրի այն բաժնի, որը պիտի կրէ վերնագիրս՝ Արտաքին Քրոնիկոն:

Քաղաքական տեսութեան մէջ կը գետնադնեն քաղաքական խն-դիրները: Բայց քաղաքական խնդիրները երկու տեսակ են՝ ներքին քաղաքական և միջազգային: Ներքին քաղաքական կեանքը մի ազգի բովանդակում է այն բոլորը, ինչ կապած է մի ազգի իրաւունքների հետ՝ երկիրը կառավարելու գործում. միջազգային քաղաքականու-թիւնը վերաբերում է շատ աւելի սահմանափակ թւով խնդիրնե-րին, գլխաւորապէս միջազգային առևտուրին և հաշտութեան կամ պատերազմի խնդիրներին:

Այն, ուրեմն, ինչով պէտք է զբաղւի մեր «Քաղաքական տեսութիւնը», պէտք է լինի տէրութիւնների ներքին և արտաքին քաղաքականութիւնը:

Արդ, պէտք է գիտենալ, որ տէրութիւնների մէջ—մեծ զանա-զանութիւն կայ: Թէպէտ և բոլոր տէրութիւնները քաղաքական կեանք ունին, բայց ոչ ամեն տէրութիւն ունի անկախ և զօրեղ քա-ղաքականութիւն: Այդ մանաւանդ ճիշդ է արտաքին կամ միջազգային քաղաքականութեան վերաբերեալ, որի նկատմամբ եւրոպական տէ-

րութիւնները երկուսի են բաժանուով՝ առաջնակարգ և երկրորդական տէրութիւնների: Այս բոլորին առաջնակարգ տէրութիւնները սոքա են՝ Գերմանիա, Ֆրանսիա, Ռուսիա, Անգլիա, Աւստրիա և Իտալիա: Առանց սոցա ամենքի խորհրդի՝ չէ վճռուով ոչ մինչնանաւոր միջազգային խնդիր պատերազմի և, հաշտութեան խնդիրների մէջ միմիայն սոքա են, որ ունին կարեւոր նշանակութիւն. երբ հարկաւոր է լինում որ և իցէ քաղաքական դործ կատարել, որ ընդհանուր նշանակութիւն ունի, ամենից առաջ հարկաւոր է լինում այդ տէրութիւնների կարծիքն իմանալ: Այդ տէրութիւններն են, որոնց ներկայացուցիչները կազմում են վեհաժողովներ. մնացեալ տէրութիւնները այնքան ուժեղ չեն, որ նոցա կարծիքը անհրաժեշտ համարւի միջազգային քաղաքական խնդիրներ լուծելու համար:

Ահա թէ ինչու քաղաքական տեսութիւնների մէջ առհասարակ առաջին տեղը բռնում են թէ՛ ներքին և թէ՛ արտաքին քաղաքականութիւնը առաջնակարգ տէրութիւնների, այն է՝ Գերմանիայի, Ռուսիայի, Անգլիայի, Ֆրանսիայի և Իտալիայի, և որովհետեւ արտաքին ոյժը կապ ունի երկրի ներքին ոյժի հետ, իսկ այդ ներքին ոյժը մեծապէս կապուած է ներքին քաղաքականութեան հետ, ուստի քաղաքական տեսութեան մէջ, բացի արտաքին քաղաքականութիւնից, առաջին տեղը պիտի բռնեն ներքին քաղաքական հանգամանքները նոյն այդ հինգ մեծ պետութիւնների: Երկրորդական տէրութիւններից պիտի խօսուի համեմատապէս աւելի քիչ, գլխաւորապէս, որքանով որ նոքա կապ ունին ընդհանուր քաղաքականութեան հետ:

Այս անգամ մենք ուզում ենք բաւականանալ մի կարծ տեսութեամբ այն գլխաւոր իրողութիւնների, որոնք ներկայ քաղաքականութեան գլխաւոր ֆակտորներն են կազմում: Այս վերջին տասն և ութ տարում եւրոպական բոլոր քաղաքականութեան հիմքը կազմում է այն հակառակութիւնը, որ կայ Գերմանիայի և Ֆրանսիայի մէջ: 1870—71 թւականին Պրուսիան, ունենալով իբր դաշնակից բոլոր գերմանական տէրութիւնները (բացի Աւստրիայից), պատերազմեց Ֆրանսիական կայսերութեան դէմ և յաղթեց սորան չարա-

չար կերպով: Յրանսիան կազմակերպւեց հանրապետութեան, իսկ Գերմանական տէրութիւնները ի մի ձուլեցին և կազմեցին Գերմանական կայսերութիւն, որի կայսեր տիտղոսը սկսեց կրել Պրուսիայի թագաւորը: Բայց, չը նայած որ Յրանսիան այնպէս յաղթեց, որ նորան ուրիշ բան չը մնաց, եթէ ոչ հպատակել Գերմանիայից առաջարկած ամենաճանր հաշտութեան պայմաններին, այնու ամենայնիւ Ֆրանսիական հանրապետութիւնը մի քանի տարուց յետոյ կարողացաւ այնքան կազդուրել, որ ձեռք բերեց գրեթէ Գերմանիային հաւասար պատերազմական ոյժ: Եւ որովհետև իբր հաւասար ոյժ, Յրանսիան իւր նորեկ աղէտները չէր կարող մոռանալ ու պատուի խնդիր համարեց կորցրած երկու նահանգները՝ Ելզաս և Լօթարինգիան կրկին յետ ձեռք բերել, ուստի բացեց մտաւոր ապագայի համար մի երկրորդ անգամաւ ահեղ պատերազմի հնուապատկերը: Գերմանիան, որի հանճարեղ քաղաքական ղեկավարը իշխան Բիսմարկն է կայսերութեան հիմնադրութեան օրից, որից առաջ Պրուսիայի հանճարեղ մինիստրն էր, Գերմանիան, ասում ենք, մնացեալ Եւրոպայի հետ միասին զարմացած Ֆրանսիական ոյժի զարմանալի վերականգման վերայ, չուզեց թոյլ տալ, որ իւր հակառակորդը իւր համար սպառնալի ոյժ դառնայ և աշխատեց 1875 թուականին մի որ և է սպառնակով կրկին պատերազմ բացել, քանի որ Յրանսիան դեռ ևս ոչ բոլորովին պատրաստ էր, քանի որ դեռ ուշ չէր: Այժմ հաստատ է, որ Գերմանիան այդ պատերազմը կը սկսէր, եթէ չը լինէր Ռուսաց Կայսր Ալէքսանդր II-ի միջամտութիւնը, որը Գերմանիային հասկացնելուց, որ Ռուսիան այդ դէպքում չէզոք չի մնալ, որպէս մնաց նա 1870—71 թուակ., այլ կը միջամտէ յօգուտ Յրանսիայի:

Յրանսիան շարունակեց, տակայն, իւր պատերազմական պատրաստութիւնները, որպէս զի ոչ մի բանով յետ մնաց իւր զօրեղ թշնամուց: Եւ այդ վերանորոգման գործը նորան այնքան լիակատար կերպով աջողեց, որ ամենքը սկսեցին համոզուել, որ բան է, եթէ պատերազմ ծագի նորա և Գերմանիայի մէջ, այդ երկու երկիրները կը լինին իրար հաւասար: Իսկ է, Գերմանիան չը լուած յաղթութիւններ տանելուց յետոյ, ունենալով միևնոյն ժամանակ ամենակատարեալ և մեծագունդ մի զօրք, որը օրինակելի է դարձած բոլոր

աշխարհում, իրան աւելի ոյժեղ էր զգում. — բայց և այնպէս ինչպէս կարող էր այդ բանով մխիթարուել, քանի որ պատերազմի ելքը այնքան էլ հաստատու չէր կարելի գուշակել. իսկ եթէ Գերմանիան յաղթուէր, դորա հետ կը կործանուէր նոր հաստատուած գերմանական միութիւնը Պրուսիայի առաջնորդութեամբ. իսկ զերմանական միութիւնը վտանգից և սպառնալիքներից ազատել, այդ ամենից զլսաւոր հոգաբար պէտք է լինէր ամբողջ գերմանական ազգի համար: Գերմանիայի դրութիւնը ծանրացաւ ոչ միայն Ֆրանսիայի վերանորոգումով, այլ և նորանով, որ Ռուսիան, որպէս ասացինք, հասկացնել տւեց, որ երկրորդ անգամ Ֆրանսիային գետին տապալել չի թոյլ տայ:

Այդ ժամանակահատիկից սկսած Գերմանիան (իմացէ՛ք իշխան Բիսմարկ) սկսեց լրջօրէն մտածել իւր քաղաքական ապահովութեան վերայ: Միայնակ պատերազմ սկսել Ֆրանսիայի դէմ, ունենալով իւր յետևից Ռուսիային, — դա անկարելի բան թւաց. դա մի այնպիսի ռիսկ է, որ ոչ մի պետական մարդ չը պէտք է իրեն թոյլ տար: Ուրեմն ամենից առաջ պէտք էր մտածել, որ, մի նոր Ֆրանս-Գերմանական պատերազմի ժամանակ, Ռուսիան չը կարողանար օգնել Ֆրանսիային, չարձակուելով Գերմանիայի վերայ: Բիսմարկը մտածեց, որ, այդ բանը զլուս բերելու համար, հարկաւոր էր ձեռք բերել մտերիմ բարեկամութիւնը այն Աստորիայի, որին Պրուսիան ջարդել էր 1866 թւականին և դուրս վճռտել զերմանական պետութիւնների դաշնակցութիւնից: Աստորիան միացած է Ունգարիայի հետ մի թագաւորով, որը Աստորիայի կայսրն է և Ունգարիայի թագաւորը. նոքա կապուած են նաև նորանով, որ մի զօրք ունին և մի մինիստրարտաքին քաղաքականութեան համար: Աստորո-Ունգարիայի քաղաքական ազդեցութիւնը չի կարող սարածուել ուրիշ տեղ, քան Բալկանեան թերակղզու վերայ: Բայց որովհետև նոյն այդ Բալկանեան թերակղզու վերայ (որտեղ են Բօլգարիա, Սերբիա, Հերցեգովինա և այլն) Ռուսիան հովանաւորութեան անկասկած իրաւունքներ ունի, ուստի Ռուսիայի և Աստորո-Ունգարիայի մէջ սկսեց տիրապետել մի խուլ թշնամութիւն, որը աշկարայ երևաց Ռուս-Ցաճկական պատերազմի և Բերլինի վեհաժողովի ժամանակ: Բայց Աստորո-Ունգարիան միայնակ աւելի թոյլ է, քան Ռուսիան և, յամենայն դէպս, եթէ Աստորո-Ունգարիան ուզե-

նար մի բան դլուի բերել հակառակ Ռուսիայի, նա այդ չի կարող առանց վտանգի դլուի բերել, առանց օգնութեան մի ուրիշ մեծ պետութեան:

Բիսմարկը, ուրեմն, մտածեց մտերիմ բարեկամութիւն հաստատել Աւստրո-Ունգարիայի և Գերմանիայի մէջ, խոստանալով առաջինին՝ օգնութիւն և պաշտպանութիւն անել նորա Արևելեան քաղաքականութեան մէջ (Բալկանեան թերակղզում) և պահանջելով նորանից, որ, եթէ Ռուսիան ուզենայ միջամտել Ֆրանս-Գերմանական պատերազմին ի վնաս Գերմանիայի, Ատրո-Ունգարիան յարձակի Ռուսիայի վերայ:

Այդ սրամիտ քաղաքական կոմբինացիան կատարեալ իրականութիւն ստացաւ մի դաշնագրով, կապած Գերմանիայի և Աւստրո-Ունգարիայի մէջ 7-ն հոկտ. 1879 թւականի, որի մտքը արդէն վաղուց շատ թէ քիչ յայտնի էր, բայց որի բնագիրը հրատարակուած յայտարարուեց միմիայն 1888 թւականին միաժամանակ՝ Բերլինի Reichsanzeiger և Վիեննայի Abendpost պաշտօնական լրագիրներում: Այդ նշանաւոր քաղաքական պայմանագրի գլխաւոր յօդուածը այն է, որտեղ ասուած է, թէ՛ դաշնակից երկու կողմերն էլ յարձակուած են Ռուսիայի վերայ, եթէ սա կամ ինքը կը յարձակի իրանց վերայ և կամ մի ուրիշին (իմացիր՝ Ֆրանսիային) օգնելու ցոյցեր կանի:

Այդ դաշնագիրը կապած էր սկզբում միայն շորս տարով, բայց որովհետև հանդամանքները չը փոխուեցին այդ ժամանակամիջոցում, ուստի նա նորոգեց և մինչև այժմ ոչ միայն տևում է նորա զօրութիւնը, այլ և նա այնքան հաստատ է համարուած, որ դառել է եւրոպական քաղաքականութեան մի նոր նշանաւոր ֆակտոր:

Ռուսիայի կողմից ապահովուած, Բիսմարկը շարունակեց Գերմանիայի ապահովութեան գործը՝ Ֆրանսիայից սպասելի յարձակումից ազատ պահելու: Բաւական չը համարելով ապահովութիւնը Ռուսիայի կողմից, նա մտածեց արդէն մի այնպիսի դաշնակից դռնել, որը, հարկաւոր դէպքում, ուղղակի Ֆրանսիայի վերայ յարձակի: Մի աչքալիսի դաշնակից Բիսմարկը դտաւ Իտալիայի մէջ, չը նայած որ այդ նոր թագաւորութիւնը (1859 թւականից) իւր քաղաքական միութեամբ ամբողջապէս Ֆրանսիական օգնութեանն և նորա վեհանձնութեանն է պարտական: Իտալիայի հետ կապած դաշնագիրը չի հրատարակուած,

բայց երևի Բիսմարկը խոստացած է, Իտալիայի օգնութեան վոխարէն, պաշտպանել նորան Միջերկրական ծովի վերայ իշխանութիւն ձեռք բերելու ի ֆնաս Ծրանսիայի, իսկ Ծրանսիայի համար մի անաջող Ծրանս-Պերմանական պատերազմից յետոյ, միացնել Իտալիայի հետ Ֆրանսիական Նիցցա և Սափոյա երկիրները և թերևս Կորսիկա կղզին: Իտալիայի հետ դաշնակցութիւնը թէպէս դեռ ևս զաղտնիք է, բայց նա ամրացրած է համարուամ Կրիսպիի այցելութեամբ իշխան Բիսմարկին 2 դեկտ. 1887, նորա կրկին այցելութեամբ Բիսմարկին 21 օգոստ. 1888 թ., տեսակցութեամբ Կրիսպիի (իտալական մինիստր-նախագահ) Կալնօկիի հետ (որ Աւստրո-Ունգարիայի արտաքին գործերի մինիստրն է), և, վերջապէս, գերմանացոց երիտասարդ Վիլհելմ II կայսեր այցելութեամբ Իտալիայի Հումբերտ թագաւորին 1888 ամառը:

Բոլորովին լրացնելու համար իշխան Բիսմարկի արտաքին քաղաքականութեան նկարագիրը, աւելցնենք և այն, որ, առանց միանգամայն մտերմանալ կարողանալու Անգլիայի հետ, Պերմանիան այնուամենայնիւ ձեռք բերեց մասնաւոր բարեկամութիւնը Անգլիայի հետ և համաձայնութիւն կայացրեց գէթ մի քանի կէտերի նկատմամբ, որոնց մասին, սակայն, որոշակի առայժմ ոչինչ ասել կարելի չէ: Նոյն այդ Անգլիան իրան է մտեցրել Իտալիային, որի հետ դաշինք կայ, թէ չէ—յայտնի չէ. յայտնի է միայն որ այդ երկու պետութիւնները Միջերկրական ծովի նկատմամբ մի որոշ համերաշխութիւն կայացրած են,—գուցէ միայն բերանացի կերպով:

Բիսմարկը իւր առաջադրած նպատակին լիովին հասաւ՝ նա առանձնացրեց Ծրանսիային: Եթէ մի ժամանակ Ծրանսիան դեռ ևս կարող էր յոյս ունենալ իւր կողմը գրաւել Իտալիային կամ Աւստրիային—այդ յոյսը նա այժմ արդէն վաղուց կորցրած է: Հարևան երկիրների մէջ նա չ'ունի բարեկամ: Ռուսիային նմանապէս հակառակ է Պերմանիայի այդ ամենակարողութիւնը, որովհետև շնորհիւ Պերմանիայի բարեկամութեան, Աւստրո-Ունգարիան՝ Բոսնիան և Հերցոգովինան առանց արիւնի գրաւելուց յետ (դեռ ևս Բերլինի վեհաժողովի վճռով, 1888 թ.), աշխատում է ազդեցութիւն ձեռք բերել Սերբիայի վերայ, որը նորա հարևանն է և, շնորհիւ Աւստրո-Ունգարիայի, Բոլգարիայի այժմեան կառավարութիւնը քանի

տարիներէից ի վեր բանեցնում է մի քաղաքականութիւն, որը արմատապէս ընդդէմ է Ռուսիայի շահերին: Աւստրո-Ունգարիան աւելի էլ հեռու է գնում այդ շաւղի վերայ. Բալկանեան թերակղզու երկիրները իւր անտեսական և քաղաքական ազդեցութեան ներքոյ ունենալու համար, նա անցեալ տարի գլուխ բերեց երկու երկաթուղու գծերի շինութիւնը, որոնք ահագին քաղաքական նշանակութիւն ունին: 1888 թ. մայիսի 18 (6) բացւեց երկաթուղին, որը կապում է Սերբիայի Բելգրադ և Նիշ քաղաքները Սալօնիկ ծովափնեայ քաղաքի հետ, Մակեդոնիայում, որը եւրոպական Տաճկաստանի մի նահանգն է առ այժմ: Սալօնիկը Էգէյեան ծովի ափին է և ունի վաճառականական նշանակութիւն Արևելքի համար: Այդ երկաթուղիով Վիեննան միացւում է Սալօնիկի հետ, իսկ դորա տնտեսական և քաղաքական հետևանքները աննախատեսանելի են: — Միւս երկաթուղային գիծը, որը նմանապէս 1888 թւականին բացւեց, այդ տարւայ օգոստոս ամսին, միացնում է Վիեննան Կ. Պօլսի հետ, Բելգրադի (Սերբիայի մայրաք.) և Սօֆիայի (Բօլգարիայի մայրաք.) վրայով:

Բնական է ուրեմն, որ Ֆրանսիան մի կողմից, Ռուսիան միւս կողմից, որոնց դէմ ուղղած է Գերմանական - Աւստրո - Ունգարական - Իտալական երեքպետեան այսպէս կոչւած «խաղաղութեան լիգան», պէտք է իրար հետ բարեկամանային: Այդ բարեկամութիւնը, որը տասը—տասներկու տարի առաջ պէտք է սկսէր, իսկապէս միայն մի քանի տարի առաջ սկսեց արտայայտել՝ գլխաւորապէս լրագիրների միջոցով, բայց իրապէս միայն նորանով, որ Ռուսիան բացայայտ կերպով յայտարարեց, որ նա ուղում է իւր «գործողութիւնների ազատութիւնը պահպանել եւրոպական որ և է շփոթութիւնների դէպքում: Այդ դարձածը ճիշտ հասկանալու համար, պէտք է իմանալ, որ, չը նայած իւր հակառուսական քաղաքականութեան, Գերմանիան քանիցս անգամ գրաւեց Ռուսիային իւր կողմը, կազմելով Աւստրո-Ունգարիայի և Ռուսիայի հետ երեք-կայսերան համաձայնութիւն. յայտնի է, որ հանգուցեալ կայսր Վիլհելմ I, բարեկամական յարաբերութիւններ կայացնելու համար, մի քանի անգամ տեսակցութիւններ ունեցաւ հանգուցեալ կայսր Ալէքսանդր II և մեր այժմեայ կայսր Ալէքսանդր III-ի

հետ՝ Ալէքսանդրովցում, Սկերնեվիցում: Բայց այդ տեսակցութիւնները, որոնց շնորհիւ կայացաւ, այսպէս կոչւած, երեք-կայսերեան համաձայնութիւն, քողարկում էր միայն այն մեքենայականութիւնը, որը նախագծած կերպով պատրաստում էր Բիսմարկը Ռուսիայի դէմ: Ահա թէ ինչո՞ւ Ռուսիայում եկան այն խոր համոզմունքի, որ ուժեղ Ֆրանսիան, ուրեմն Գերմանիայի մի ուժեղ դրացին, օգտակար է և մինչև անգամ անհրաժեշտ Ռուսիայի համար: Այդ համոզմունքից ծնեց բարեկամութեան գաղափարը Ռուսիայի և Ֆրանսիայի մէջ, մի գաղափար, որ, մի երկու տարի է, ամեն կերպ փայփայւում է թէ՛ Ֆրանսիայում և թէ՛ Ռուսիայում:

Անկասկած է, որ Ռուսիայի այն քաղաքականութիւնը, որը արտայայտւում է «գործողութիւնները ազատութեան» (СВОБОДУ ДѢЙСТВІЙ) սկզբունքով, իւր մեծ նշանակութիւնը կունենայ եւրոպական որ և է շփոթութեան ժամանակ:

Այս են, ահա՛, Եւրոպայի տերութիւնների մէջ եղած քաղաքական յարաբերութիւնները — ամենախոշոր գծերով նկարագրած: Այն իրողութիւնները, որ մենք չիշատակեցինք այս տեսութեան մէջ, հիմնաքարն են կազմում ներկայ արտաքին քաղաքականութեան: Բոլոր միւս քաղաքական նշանաւոր թէ՛ աննշան անցքերը ուղղակի կամ անուղղակի հետևանք են այն քաղաքական սխտեմի, որ մենք զրծագրեցինք. այնպէս որ մեր այն ընթերցողները, որոնք կամենում են «Մուրճ»-ի «քաղաքական տեսութեան» բաժնից լաւ օգուտ քաղել, խորհուրդ ենք տալիս այս յօդւածը լաւ ուսումնասիրել և նորա բովանդակութիւնը միշտ չիշել: Հետևեալ անգամին մենք կը տանք մի տեսութիւն չտակապէս 1888 թւականի քաղաքական կեանքին նըւիրած:

Z